

J. CLERICI NOTÆ IN INDICEM

- Nemo. Nec quamvis plerique Semi posteri Asiam incoluerint, continuò sequitur eam iis folis attributam.
- ARAC. Non dicit Moses Gen. x. 17. *Arac* fuisse filium Chanaanis, sed ex Chanaane ortum הערקי *Arkeum*, nimirum, populum. Est enim hoc nomen gentis, seu populi. Hunc collocat in Libano *Sam. Bochartus* Lib. iv. Phalegi C. xxxvi. Vide & *Augustin. Lubinum*, in Tab. Geogr. Sacra.
- ARBELA, non *Arbella*, urbs Galilææ *Josepho* Ant. Lib. xii. c. 18. Fortè est Salman-beth-arbel, de qua *Hosea* Cap. x. 14. Vide *Joan. Lightfootium* Centur. Chôr. Matthæo præmissâ. Cap. LXXXV.
- ARNON. Vult *Samson* liquere ex Num. xxi. 13. fuisse urbem, montem & torrentem. De torrente certum est, sed montem & urbem fuisse non docet Moses, qui sic habet ad verbum: *Hinc moventes castra posuerunt trans Arnonem, qui est in deserto, egrediturque è finibus Emoræorum*: אשר במדבר היצא מנגל האמורי. Quod verterunt di LXX. ἐν τῇ ἐρήμῳ τὸ ἐξέρχον ἀπὸ τῶν ὁρίων τῶν Ἀμορραίων, in eremo exortum à finibus Amorrhæorum. Quæ Græca verba perperam intellecta ab Hieronymo versa sunt, nam sæpè ex Græcis Hebraïca vertit: quæ est in deserto & prominet in finibus Amorrhæi. Primò in Hebraïcis אשר tam potest verti qui, quàm quæ; ita ut ad torrentem referatur, & sic debet verti, quia urbis Arnon nullum est in Scriptura vestigium, torrentis verò mentio clara & frequens. Deinde in Græcis ἐξέρχον, non est hic eminens, nam respondet Hebraïcæ voci יצא egressum; quod, ubi de flumine sermo est, significat exortum, erumpens, quæ est etiam vocis Græcæ significatio. Oportuisset Hieronymum hic ex Hebræo codice Græcam vocem intellexisse, non vim intulisse Hebraïcæ ex Græca loquutione perperam intellecta. Eundem errorem admisit, in versione locorum Hebraïcorum *Eusebii*. Vocem Hebraïcam hoc sensu de fluvio usurpat Moses Gen. 11. 10. ubi vide à nobis notata. Possset tamen, ne quid dissimulem, ex Jos. xii. 16. aliquid adduci ad confirmandum urbem fuisse torrenti cognominem; quia dicitur urbs sita in medio torrente Arnon, nec ejus urbis nomen ullum editur. Attamen urbis Arnon diserta mentio nusquam occurrit. *Eusebius* meminit dumtaxat loci prærupti, aut vallis, cui nomen Arnona.
- ASCALON. De duplici Ascalon earumque situ varia habet *Joan. Lightfootius* Chorogr. Matthæo præmissâ Cap. xiv. quæ digna sunt quæ legantur.
- ASEMONA. *Hassemona* & *Hassemon* non sunt duo nomina ejusdem urbis, sed unum idemque nomen. Nam עצמון *hatsmon* est nomen ipsum, quod cum motu ad locum effertur עצמונה *hatsmonah*, ut norunt tirones. Vide loca à *Samson* allata.
- ASEPHON, *Asaphon*, *Asophon*. Quærit *Samson* an sit alius locus à Sophon, qui trans Jordanem. At *Josephus* unius loci Ἀσωφὼν meminit, à Jordane non remoti, Ant. Lib. xiii. c. 21. initio.
- ASER-MACHMETAD. Imò *Machmethath*; nam definit in *Thau*, non in *Daleth*.
- ASTHAROTH. Mentio fit hujus urbis, locis à *Samson* allatis, & Gen. xiv. 5. sed nusquam vocatur *Basan* aut *Bosran*. *Basan* nomen fuit, non urbis, sed totius tractus, cujus Rex fuit Hagus, Deut. 1. 4. *Bosran* verò est corruptio vocis Hebraïcæ בעשתרה *behestherah*, quæ est nomen urbis Basanitidis, Jos. xxi. 27. sed quis dixerit eandem fuisse cum *Astharoth* עשתרות? Postea noster *Bosram* illam commenticiam confundit cum *Bosra* *Ptolemæi*, quæ fuit urbs Idumææ. *Astharoth* verò, in cujus æde suspensa sunt à Philisthæis arma Saulis, vocabulum est Deæ Phœnicum notissimæ, etiam apud Græcos, qui eam *Astarten* vocabant, de qua vide *Joan. Seldenum* de Diis Syris Syntagm. II. Cap. 2. Igitur minimè necesse est ita dictam Deam, quod esset in urbe *Astharoth*, cum Sidone, aliisque Phœniciæ urbibus coleretur.
- ATTALIA. Laudat noster Act. xiv. 24. ubi, inquit, nomen scribitur cum duplici tt, quod aliis omnibus cum simplici. Nescio quibus Geographis, quibusve Codicibus usus sit vir doctus, nam optimi quique Geographi scribunt *Attalia*; prout debet scribi, cum deductum nomen sit ab *Attalo* conditore. *Strabo* in descriptione Pamphyliæ Lib. xiv. Πόλις Ἀττάλεια, ἐπὶ ὀνόματος τῆς κτίστριάς Φιλαδέλφης: urbs *Attalia*, quæ nomen habet à *Philadelpho*, (nimirum, *Attalo* cui *Philadelpho* cognomen fuit) qui eam condidit. Sic *Stephanus Byzantinus*, ad quem vide Interpretes; sic & *Plinius* Lib. v. c. 30. scribit nomen *Attaliæ* *Lydiæ*, sic & alii. Unam vidi tabulam primam Asiæ *Ptolemæi*, ubi vitio sculptoris scriptum est *Atalia*. Hæc notatu digna non erant, nisi iis occasionem præbuisset *Samson*, qui Geographiæ veteris æquè peritus ac novæ fuisse non videtur, nec antiquas historias multum triverat.
- AURANITIS. De hoc tractu vide quæ habet *Joan. Lightfootius* Chorogr. præmissorum Lucæ Cap. 1. Sect. v.

B.

- BAHURIM. Eadem erat ac *Halmon*, seu *Hellemeth*, si credimus *Paraphrastæ* Chaldæo in 2 Reg. xvi. 5.
- BALOTH. Vult vir doctus Jos. xv. 24. & 25. ubi legimus in Hebræo Codice: בעלות וחצור *bakaloth vehbatfor khadathab*, vertendum, *Bakaloth Asor*, quæ est *Asor nova*. Cujus rei sat graves rationes non video; nec fanè חדרה *khadatha*, nisi Chaldaicâ dialecto novam significat; nam Hebræi dicunt חדרשה *khadaschah*, & præterea conjunctio præfixa voci